


PARTORDING NI PARMINGGUON

MINGGU OKULI

**MINGGU, 8 MARET 2026
Pkl. 10.30 WIB**



TOPIK:

**“PADIRI ROHA DOHOT HOSA
MANGALULUI JAHOWA”**

**HKBP KRAMAT JATI
RESSORT KRAMAT JATI**

A. PROSESI KOOR PARHALADO

B. HATA PANGARADEON DI MINGGU

“Shalom..! Horas..!

Andorang so tamulai marhadaulaton marsaor dohot Debata, tapangke ma tingki sangombas martangiang di bagasan rohanta be.

Martangiang ma hita...”

(Dung didok Paragenda Amen.., diuduti ma marhadaulaton.)

I. MARENDE BE. No. 18: 1 - 3 “UNGKAP BAHAL NA UMULI” BL.84

➤ *Ungkap bahal na umuli, bagas ni Debatangki.
Ai tusi do au naeng muli, ganup jumpang Minggu i.
Hulului do disi, bohi ni Debatangki.*

➤ *Nunga ro au, o Tuhanhu, ro ma Ho tu au muse.
Ai di bagas ingananMu, las ni roha do sude.
Sai bongoti rohangkon, baen ma JoroMi dison.*

➤ *Sai pantun pangalahongku Maradophon bohiMi
Sai suruhon tu rohangku Tondi Parbadia i
Asa sai tongtong ture Tangiangku ende pe*

[longjong]

II. VOTUM - INTROITUS - TANGIANG (A.VI. B.3 - D.V.17)

III. MARENDE BE. No. 308: 5 + 8 “JUMOLO MA HUPUJI” BL.28

➤ *Antong pasonggop ma tu au, pasupasumu Tuhanhu
Sadari on urupi au, mambaen na pinatikMu.
➤ Sai luluhanhu na burju, di au harajaonMu
Porman nang tigor situtu, ma baen pangalahongku.*

IV. PATIK : 5 Musa 4: 29

(Tatangihon ma Patik ni Debata di Minggu sadari on i ma 5 Musa 4: 29)

Alai ia dilului hamu olat ni Jahowa, Debatamu, sai jumpang ho do Ibana, molo tung dilului hamu Ibana sian nasa rohamu dohot sian nasa ateatemu.

I do sahatna. Antong, rap mangido gogo ma hita sian Tuhan Debata!

P+ R: Ale Tuhan Debata! Sai pargogoi ma hami mangulahon na hombar tu PatikMi. Amen.

V. MARENDE BE. No. 434: 1 – 2 “TUHAN JESUS BERENGAU”

BL388

- *Tuhan Jesus bereng au dison, ro ma au marsomba tu joloM.
Mansai lelung au manjua, ndang tar bahen au martua.
Dilului Ho, ale Tuhan, au, diihuthon Ho au tu na dao
Naung dapotan au di Ho, Tuhan, dison do au.
Sae dosangku dibaen Tuhanhi, monang au dibaen mudarNa i.
Gogo do dilehon Tuhanhi di au, di au.*

[longjong]

- *Mago au dibaen portibi on, daging, tondi dohot rohangkon.
Holan Jesus paluaohon saluhut na tinaluhon.
Gok do au nuaeng di Tuhanhi, sirang ahu sian dosangki.
Lam jonok tu Ho, ale Tuhan, sai taiti au.
Sae dosangku dibaen Tuhanhi, monang au dibaen mudarNa i.
Gogo do dilehon Tuhanhi di au, di au.*

VI. TANGIANG MANOPOTI DOSA (B. 9 – C.5)

VII. MARENDE BE. No. 223: 1 – 2 “HUSOMBA HO TUHAN”

BL.244

- *Husomba Ho Tuhan, tangihon au
SangkapMu ma tongtong, pasaut tu au
Lam ganda baenonMi, holong ni rohangki
Sai lam gandai, holong tu Ho*
- *Uju na lilu au, dao sian Ho
Sai dilului Ho au, laos jumpang do
Ala ni holong do, rohangkinon di Ho
Sai lam gandai, holong tu Ho*

VIII. EPISTEL: Heber 10: 19 – 25 (Responsoria)

P : Tatangihon ma Hata ni Debata Epistel di Minggu sadari on, na tarsurat di Heber 10: 19 – 25.

Antong, ale angka dongan, adong do di hita hiras ni roha, laho bongot tu bagasan na badia i, di bagasan mudar ni Jesus;

R : ai dibungka do di hita dalam na imbaru jala na mangolu, sian rimberimbe i, i ma dagingNa i;

P : jala adong do di hita Malim na Bolon, sigomgom bagas ni Debata.

R : Dibahen i, tadapothon ma, marroha na sintong, di bagasan hagogok ni haporseaon, dung diurasi rohanta, unang be disolsoli panggora ni roha i hita, jala dung diburi dagingta dohot aek na ias!

P : Momos ma tatiop pangkirimon na taparhatopot i, ai haposan do na marbagabagahonsa!

R : Masiantoan ma hita, masipajujuan tu haholongon dohot tu angka ulaon na danggan!

P+R : Unang tatadingkon parpunguanta hian, songon na hinasomalhon ni na deba; tung masipaingotan ma hita, jala lam i ma nian, ala lam jonok diida hamu ari i.

P : Ido sahatna. Martua do angka na tumangihon hata ni Debata jala na umpeopsa.

R : Amen.

IX. MARENDE BE. No. 405: 1 – 2 “ADONG SADA MUAL”

BL.386

- *Adong sada mual, tung sae uli nii. Sombu do disi uasmi. Ai manang behajorbut ni sahitmi, na malum luhut na disi. Oloi ma joujouNa i, lului mual na uli i. So pola martuhor mual i. Porsea! Di ho nama i.*

[Jongjong]

- *Ai manang tu dia mabaor mual i, danggan do pangkorhon ni i. Sumurung do tumpal sijaloon, ni na ro manahui sian i. Oloi ma joujouNa i, lului mual na uli i. So pola martuhor mual i. Porsea! Di ho nama i.*

X. MANGHATINDANGHON HAPORSEAON

P : Tahatindanghonma haporseaonta i, songon na hinatindanghon ni donganta sahaporseaon di sandok portibi on.

Rap ma hita mandok!

P+R: Ahu porsea di Debata Jahowa.....

[Hundul]

XI. KOOR: PUNGUAN AMA ARBAB

XII. TINGTING

XIII. MANJAHA BIBEL

XIV. KOOR: PS. IMMANUEL

XV. MARENDE BE. No. 789: 1... "LULUI HAMU HARAJAON NI DEBATA" BL.789

(Papungu Pelean Ia dohot Ib)

- *Lului hamu harajaon ni Debata,
Rap dohot hatigoranNa,
Tambahonna ma ondeng tu hamu,
Haleluya, Haleluya,
Haleluya, Haleluya, Haleluya, Haleluya,
Haleluya.*

[instrument musik]

- *Pangido ma sai na lehononNa do.
Lului ma sai na jumpang,
Tuktuhi ma sai na untkaponNa do,
Haleluya, Haleluya.
Haleluya,*

[instrument musik]

- *Ndada holan sipanganon na ringkot,
Baen hangoluan ni jolma,
Tung nasa hata ni Debatanta do,
Haleluya, Haleluya.
Haleluya,*

[instrument musik]

- *Dua manang tolu halak pe hamu.
Pungu marhite goarNa,
Tuhanta Jesus ditongatongaMu.
Haleluya, Haleluya.
Haleluya,*

[instrument musik]

XVI. JAMITA, 1 Kronika 22: 14 – 19

XVII.MARENDE BE. No. 772: 1... “TUHANHU DO PATURE DALANHI” BL.772
(Papungu Pelean II dohot tu Distrik VIII DKI Jakarta)

➤ *Tuhanhu do pature dalanhi,
Tuhanhu do patiur langkangki,
Sian nasa rohangki hupasahat ngolungki,
Tuhanhu do patiur langkangki.*
[instrument musik]

➤ *Tuhanhu do pature dalanhi,
Tuhanhu do patiur langkangki,
Hulului do Tuhanhi, surut ma na holom i,
Tuhanhu do patiur langkangki,*
[instrument musik]

➤ *Tuhanhu do pature dalanhi,
Tuhanhu do patiur langkangki,
Hupasahat diringki tu tangan ni Tuhanhi,
Tuhanhu do patiur langkangki.*
[instrument musik]

XVIII. PANUTUP
TANGIANG PELEAN – ALE AMANAMI
PASUPASU – AMEN AMEN AMEN



PENDETA DAN PARHALADO HKBP KRAMAT JATI
RESSORT KRAMAT JATI PASAHATHON :

**“Selamat Hari Minggu,
Shalom”**

